

Lempol estobar enide va sinka mal brakudev di divokser. Kas va kuli kan talgaveem malbolter inde batlize vit ? Batnide batlize trakuskut voxen batcoba me al zo wazder.

Lan aptack dace trakud da in va malgestura co somezanudar. Kottode mil govitol fiver estode mo opraki tucapter (talbeon) oke va kon mlakatok rvanar.


Lempol

Meftava dem cot. Lempolye (*Odobenus rosmarus*) va gamiofa nek tuzafu alto dir isen aldo fereon tir vas loon tanoy ik dace toloy decitor. To logranaf moukl ke arktikaf bireem vaxe megol tir ! Bata meftava dem cot va sinka vas 45 kg- (nelkon tulwadunol is lonadunol) vieleon gikoartokar. Sumafa bada vas icle 7.5 cm- va alto gu fentunafa lava sonendar.

Kare xo, lempol tis yastaf govitol valente Pacifika welfa isu Atlantika rotir debilitus ok lamas. Mon kunoye lempolye moe lenteamerikafa krimta tandon zavzagid voxen tol-kunoye are gee Bering vedil milinde askid. Kore bat pwertaf moukl valevo opruk grupujer, pune va oprukko bak muvugal ko geon Bering bira wale Sibira is Alaska syle ipujer.

Abrotce : 4.5 m- (cugon icde lempol ke Pacifika welfa).
Aldo : 1200 kg-.
Blirugal : cugon 43 tanda (lempolye).

Eyaf sulem. Lempol koe lavok djukablr. Tildeteson mo ezasi opraki anton divpujer ; wori idulugalon, remi tanoy aksat is acku moe kona piluda ke Atlantika welfa diliidon gijonvieler. Tis eyaf sulem, va siudapa dem dat tum tadler, i dem tum ruldaz vas konak sanoy iku dace decemoy olkik. Lanu viaku dace rotid vas yona decita. Lempolya dositana gan oceem poke lavok va sint katanad, solve lempolye va xopo sume bira kereled. Seotatason va lokiewafa runda, sulemye fereon mijed nume bal koboda va abrotcaf talgaveem meklabuson faved. Yorda ke ticef myastem ware zo grupenser. Kas lempol, fasionan va biraludev milinde batcoba mali toloya decemda is acku dun zo kalir, trasitison va sinka vaon zanudar ? Neken talgaveem arse tir darsackafa pilkomodasa sugda tove rumeik ke varafa tamava !



Otsa ke pezay tir udanafu gu abrotcaf tiritapaf imolk vas 10 ik 12 cm-. Mon 300 ik 350 imolk bene kot kril ke gariza tid. Kota talgave arse tir ticef myast. Tir abrotcava vas 80 cm-. Talteon : otsa ke radimelna ; roveon : abduelna



Bak alubeskot, lempolya va tanoy oc ginazhar, i va oc abrotcaf vas 1.30 m- doon zavzagitit remi mon barda. Radimion, gin walkratar. Kona sulemya arti mana barda lovile nazbolter nove dile me : koe Sibira, mon lok ke lempolyeem va oc oxam baleldeon inc nazhar.

Birjol koe bira is batakaf rupol moe oppra va elkpkafa dratere va lempol tadled. Birjol (valereon) va lempolc dilon cidilfar vove va mlaki dize wupesar. Batakaf rupol va lempolc dize konatir isen ant mlakit surteson rodefacfar

